



UNIVERSITÄTS-
BIBLIOTHEK
PADERBORN

Concilia Provincialia Mediolanensis Sex

Borromeo, Carlo

Venetiis, 1602

Præparatio adiumentorum spiritualium peste imminente. Cap. X.

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

6 Hæc eadē sanē omnia, & singula officia, in regione sibi commissa, & præfecti regionarij, & Vicarij foranei, & Visitatores, & Parochi in Parochiali vicinia ex Episcopi instructione, & præscripto pro suo quisque munere præstare, atque exequi studebunt.

Hæc itidem ipsa pro sui muneris partibus cū in collegijs, confraternitatibusque præfecti, tū in ædibus priuatis curabunt diligētī studio, omnique caritatis contentione.

Præparatio adiumentorum spiritualium peste imminente.

Cap. X.

S V M M A R I V M.

- 1 Confessariorum.
 2 Concionatorum.
 3 Sacerdotum. 3.
 4 Visitorum.
 5 Indulgentiarum à Summo Pontifice procuratio, & pro quibus.
 6 Librorum spiritualium delectus.
 7 Facultatum à Summo Pont. impetratio, & quarum.
 8 A Metropolitano item; & quibus illæ concedendæ.

Præparatio, & deputatio, curante Episcopo.

Episopus verò omnia adiumenta, antequam pestis populum inuadat, diligenter conquirat, & parare studeat, quibus fiat, vt, si pestis ingrueret, nè quid illis populis, quos inuaserit, desit; neque ad animæ salutem, neque ad corporis medicamentum victum, & curam.

Confessarios, concionatoresque quorum ministerio, operam necessario eo tēpore adiuueat, aliunde, vt diligētissimè potest, ad se accersere, & cōducere, tū ad urbem, tū ad Diocesis oppida, & loca præsertim insigniora curabit.

2 Ac præter Parochorū curā, certos etiā alios Sacerdotes vndique, quantum poterit, omni pietatis officio cōquiret, qui caritatis ardore inflammati, paratissimi sint ad omnia Ecclesiastica ministeria illis præstanda, quos, vel pestis morbus, vel suspicio inuaserit.

Iis, & concionatoribus, & confessorijs, & alijs Sacerdotibus necessaria alimenta, vt subministrentur, omni ratione curabit.

3 Alios præterea Clericalis ordinis homines, caritatis studio flagran-

ris deliget, qui modo huc, modo illuc visitando accurere possint.

Delectum item habebit aliquorum Sacerdotum, atque aliorum quos potissimum adhibere possit ad curam Ecclesiasticorum hominum, pestis morbo suspicionem laborantium.

4 Ad omnem porro curam, quod vehementius uniuersi, & singuli pestilentiae tempore incendantur, indulgentiam à Summo Pontifice ijs procurabit, utpotè

Sacerdotibus, qui peste affectis sacramenta ministrarint.

Medicis, eos curantibus.

Chirurgis, tonsoribusque, qui venam secant, quibus plagis medicamentum apponunt.

Nutricibus, quae infantibus peste laborantibus, suspectis lac praebet.

Obstetricibus, quae mulierum in eo morbo, suspicionem versantium, partum adiuuant.

Ministris, qui peste aegrotantibus assistunt.

Baiulis, qui pestiferè affectos, suspectosque ad curationis locum perducunt, feruntque.

Illis item, qui peste mortuorum corpora sepeliunt.

Iis denique omnibus, quicumque sint, vel mares, vel feminae, qui illorum sustentationi, & curationi aliquo modo seruiunt; qui item eleemosynam, pro facultatum ratione, in eorum adiumentum contulerint.

Facultatem item sibi ab eodem dari curabit, adiunctis ad eam certis privilegijs, ut Regularium cuiusvis ordinis opera, ministeriorum sine ulla mora aut impedimento superiorum, pestilentiae tempore uti possint.

5 Ut praeterea populi caritas ad pauperum, pestilentiaeque morbo, si Deus permiserit, laborantium curam, piumque studium accendatur, & longè, lateque progrediatur; libros, eo de genere grauissimè conscriptos, quos necessario eo tempore studiosè legat, ad usum proponet, ut pote Gregorij Nazianzeni homilias, sermones duos Gregorij Nysseni de pauperibus subleuandis, & Cypriani martyris sermonem unum de mortalitate, & alterum item de eleemosyna; atque aliorum praeterea patrum libros eiusdem generis. Ut verò, quae ab illis, vel praecipua sunt, in morè, atque usum afflictissimo praesertim pestilentiae tempore inducantur; eos libellos, vulgariter conuersos, exiguoque volumine comprehensos, typis impressos, atque editos extare volumus.

Iis praeterea libris alios de rerum spiritualium officijs, studiisque rectè conscriptos, prout opus esse viderit, ad legendum, cum ob alios fructus, utilitatesque adiunget, tum etiam, ut nè populus, propter intermissas magna ex parte, in pestilentiae periculis artes, & negotiationes, otio languescens, ad turpes, inanesque voluptates tempus traducat.

Alias

6 Alias verò facultetes, quæcumque pestis tempore vel necessaria vel opportuna à Summo Pontifice impetranda erunt, ita in tempore diligenter impetrare studebit, vt si peste statim irruente literarum cutus intercludatur, aut retardetur, ne mora vlla ijs adiuuentis interponatur, quæ in pestilentia opus esse possunt.

In ijs facultaribus erunt hæc scilicet.

Facultas concedendi plenariam indulgentiam peste laborantibus confessis, aut contritionis signa ostendentibus.

Facultas concedendi indulgentiam ijs, qui in quotidiana oratione, per septem horas distincta, versantur.

Facultas, priuilegiumuè aliquot altarium, vt cum in eis s. Sacerdos pro aliquo defuncto Missæ Sacrificium obtulerit, eius animæ suffragetur ad liberationem à pœnis purgatorij.

Facultas, quæ etiam delegari possit, absoluedi saltem in foro Conscientiæ à peccatis, delictis, & censuris, Summo Pontifici reseruatis, etiam in litteris, die cœnæ Domini promulgatis.

Facultas etiam aliqua absoluedi in foro exteriori.

Dispensandi item cum Sacerdotibus in quibusdam irregularitatibus, etiam ob mortem secretam contractis, id quod facile euenire pestilentie tempore potest in curatione aegrotorum etiam sine vlla delicti culpa.

Conuertendi etiam alicuius elemosynæ legatæ vsus, saltem ad tempus, si quando ad pauperum necessitates subleuandas illud expedire, vel necessarium censuerit.

Quæ enim ob piam aliquam causam legatæ, relictae sunt, vt videlicet, vel in diuinum cultum, vel in puellarum nubentium dotem, vel in alium eius generis vsus erogentur; ea tunc sæpè expedit ad egentium hominum victum, & sustentationem conuerti.

Decernendi, statuèdiue vtilitatis publicæ causa quicquid opus erit, atque adeò compellendi etiam, vt Ecclesiastici homines ab Episcopali iurisdictione exempti, & Regulares etiam, ac locorum præterea piorum, si quæ eiusmodi loca, ab Episcopi iurisdictione immunita sunt, præfecti, curatoresuè seruent, atque adeò præsent, quæcumque is ob publicam vtilitatem decreuerit statuerit, pœnis etiã, & censuris propositis.

7 A Metropolitano etiam facultatem impetrabit, qua dum pestis est, sibi permissum sit ab aliquorum decretorum Prouincialium præscriptis rationibus, quæ in pestilentia seruari minus possunt, aliquando discedere; vt potè à conditionibus loci, & Altaris, in quo Missa celebranda erit; à regulis item, quibus vetitum est, extrâ sedem confessionalem in Ecclesia confessiones audire; & ab institutis etiam celebrandi foraneos conuentus; & ab alijs quàmpluribus eiusmodi decretis

Prouincialibus; quorum potestatem sibi à Metropolitano fieri opus esse, aut expedire ipse viderit.

Et quoniam pestis tempore tum in ciuitate difficilis, tum in Dicecesi difficilior ad Episcopum aditus esse potest; id propterea in ijs, quæ Episcopalem auctoritatem requirunt, tunc expedit, ampliores facultates, & Parochis, & reliquis confessarijs Sacerdotibus, & Vicarijs præsertim foraneis concedi, permittiue. Itaque pro locorum, personarumque ratione, proque pestis periculosius imminens gravitate, liberius præsertim Vicarijs foraneis facultates varias delegabit, in quibus erunt hæc.

Facultas absoluedi, etiam in vtroque foro, à peccatis, criminibusuè, interdicto, & censuris, sibi reseruatis; ea adiuncta etiam facultate, vt cui delegarit, is saltem in foro conscientie eandem subdelegare possit.

Permittendi sacram confessionem audire extrà Ecclesie fines atque adeò etiam fœminis extrà confessionalem sedem.

Concedendi, vt Missa celebrari possit in omni Ecclesia & Altari, etiam ligneo, vt in vjs locisque eiusmodi, & prorogandi rursus facultatem datam.

Constituendi, & approbandi, etiam sine examine, confessarios, etiam qui Clericorum confessiones audiant.

Intermittendi Sacerdotales, Clericalesuè illos: conuentus singulis mensibus præscriptos.

Præparatio annonæ, & Ministrorum ad curationem, & sustentationem publicam. Cap. XI.

SUMMARIUM.

1. Episcopi sollicitudo in præparatione annonæ: & ministrorum ad publicam curationem necessariorum. 7.
2. Gregorij Magni exemplum in caritate annonæ.
3. Eleemosynæ colligendæ causa Episcopi officium cum Magistratibus.
4. Exemplum Episcopale in erogatione eleemosynarum.
5. Pauperum, & piorum locorum descriptio; pauperumque in locum vnum congregatio.
6. Confratria caritatis pestis tempore instituendæ. Supellestilis, librorum, & scripturarum locus, & situs.